

## M092: Benediktbeurer Glaube u. Beichte III

- 1r,1 ich geloube an got vater almehtigen . der dâr schepfær  
 1r,2 ist himeles unde der erde . unde aller der geschepfede . unde  
 1r,3 geloube an sîn einborenen sun . unsern hêrren heilant unde  
 1r,4 geloube an den heiligen geist . [unde] [geloube] daz die drî genennede . ein  
 wârer  
 1r,5 got ist . der dâr ie was âne anegenge . unde iemer ist âne ende .  
 1r,6 unde geloube . daz der selbe gotes sun entvungen wart  
 1r,7 von dem heiligem geiste . geboren wart von mîner  
 1r,8 vrouwen sanctae Marien der êwigen meide . unde geloube .  
 1r,9 daz er gevangen wart . daz er gemarteret wart . daz  
 1r,10 er gekriuziget wart . daz er dâr an erstarp . an der mennischheit .  
 1r,11 niht an der goteheit . ich geloube . daz er begraben  
 1r,12 wart . daz er nider vuor zuo der helle . an dem dritten  
 1r,13 tage erstuont von deme tôde . wârer got mennischliche  
 1r,14 unde daz er ze himel vuor . dâ sitzet er ze der zeswen  
 1r,15 sînes vater . des almehtigen gotes . dannen ist er künftic .  
 1r,16 ze erteilen die lebentigen unde die tôten . ich geloube .  
 1r,17 an den heiligen geist . die heilige kristenheit allîche .  
 1r,18 gotelîche . unde geloube . die gemeine aller gotes  
 1r,19 heiligen . ob ich si gearne . unde geloube antlâz mîner  
 1r,20 sünde . nâch wârer riuwe . unde nâch durhnehticlicher  
 1r,21 bekêrde . unde geloube urstende mînes lîbes . unde geloube .  
 1r,22 nâch disem lîbe . den êwigen lîp âmen .  
 1r,24 – – – . mit disem gelouben . schulet ir leben . dâ mit sulet  
 1r,25 ir sterben . swer der ist ez sî wîp oder man . der  
 1r,26 ze sînen jârn kumet . kan er des heiligen gelouben niht .  
 1r,27 unde wil in durch sîne lîhtegerne niht lernen wirdet  
  
 1v,1 der alsô vunden . der ist verloren . alsô diu heilige schrift  
 1v,2 sprichet . – – – – – . “swer niht geloubet  
 1v,3 der ist hier verteilet .” an disiu wort denket . wie vorhtelich  
 1v,4 dei sîn . der sich versûmet habe . enenher . durch sîne  
 1v,5 trâcheit . daz er sîn niut gelernet habe . der lerne in .  
 1v,6 unde ein iegelich wirt . in sînem hûse . lère in sîniu kint .  
 1v,7 unde sîne undertâne . ir ûf stêt . ir iu nider leget . sô sulet ir  
 1v,8 den heiligen gelouben sprechen . unde sulet iuch dâ mit vesten .  
 1v,9 unde besigeln . sô ne mac iu der tiuvel dechein schade  
 1v,10 sîn . weder an der sêle noch an dem lîbe . swie ir denne

- 1v,11 vunden werdet . ir iuch ervallet . ir iuch ertrenket . swie  
 1v,12 getânes tôdes ir sterbet . sô geneset ir an der sêle . alsô der  
 1v,13 heilige sanctus Paulus sprichet . iustus si morte preocupatus  
 1v,14 fuerit in refrigerio erit . er geheizet uns . ob der rehte  
 1v,15 begriffen werde . mit dem gæhem tôde . er kome ze wære .  
 1v,16 exortatio at confessionem .  
 1v,17 nû habet ir iuch gevestenet . mit dem heiligem  
 1v,18 gelouben . dâ nâch sulet ir vile riuwelîchen iuwer bîhte tuon .  
 1v,19 unde sulet iuch erkennen alles iuwers unrehtes . iuch sol vile harte  
 1v,20 riuwen swaz ir wider gotes hulden habet getân .  
 1v,21 unde sprechet nâch mir vile lûterlîchen . pura confessio .  
 1v,22 ich widersage mich dem tiuvel unde allen sînen werken .  
 1v,23 [unde] allen sînen zierden . unde bejihe dem almehtigen  
 1v,24 gote mînem schepfære . unde mîner vrouwen –  
 1v,25 Marien . der heiligen gotes muoter . – Michaelē .  
 1v,26 dem probeste aller sêle . unde allen gotes engeln . . sancte . Johanne .  
 1v,27 dem gotes toufære . unde allen gotes wîssagen . sancte . Petrô  
  
 2r,1 unde allen gotes boten . sancte Stephanô unde allen gotes marterærn  
 2r,2 . sancte . Nicolaô unde [allen] [gotes] bîhtigærn . sancte . Margareten .  
 unde  
 2r,3 allen gotes megeden . disen gegenwûrtigen heiligen . unde  
 2r,4 allen gotes heiligen . unde dir êwart . unde aller der heiligen  
 2r,5 kristenheit . aller der sünde die ich ie gevrûmete .  
 2r,6 von aneenge mînes lîbes . unz an disen hiutigen tac .  
 2r,7 swie ich gesündet hân . wizzente oder unwizzende .  
 2r,8 dankes oder – undankes . slâfente . oder wachente .  
 2r,9 mit mir selbem oder mit ander ieman . des bejihe  
 2r,10 ich hiute dem almehtigem gote . daz ich den geheiz .  
 2r,11 der in der toufe vûre mich getân wart . nie sô ervulte .  
 2r,12 sô ich von rehte solte . unde sô ich wole mahte . alsô schiere  
 2r,13 dô ich dâ kom daz ich sünden kunde . dô warf ich  
 2r,14 got mînen schepfære ze rûgge . vermeit daz guot . vrûmete  
 2r,15 daz übele swâ ich mohte . daz riuwet mich . ich jihe  
 2r,16 dem almehtigem gote daz [ich] mîn gotes hûs . unde anderiu  
 2r,17 gotes hûs . [nie] sô geêrte noch sô emzige versuochte . sô ich  
 2r,18 solte daz riuwet mich . ich bejihe dem almehtigem  
 2r,19 gote . daz ich den heiligen sunnetac unde ander heilige  
 2r,20 tage sô niht gevîret noch sô geêrt hân [sô] [ich] solte . die  
 2r,21 heiligen dietvaste . . – . – . unde andere vastetage  
 2r,22 oder die mir vûre mîne sünde ze buoze bevolhen  
 2r,23 wurden . die hân ich sô niht gevastet noch sô geêrt  
 2r,24 [sô] [ich] [solte] daz riuwet mich . ich bejihe dem almehtigem gote .  
 2r,25 daz ich den heiligen gotes lîchnamen nie sô emzige  
 2r,26 nam sô ich solte . sô ich in aber genam . sô nam ich  
 2r,27 in âne riuwe mîner sünden . unde âne bîhte . unde âne vorhte .  
  
 2v,1 unde behielt in niht sô êrwirdiclîchen sô ich von rehte solte .

2v,2 daz riuwet mich . ich bejihe dem almehtigem gote . daz  
 2v,3 ich den zehenden mînes lîbes . noch anders mînes guotes  
 2v,4 nie sô ne gap . sô ich solte . mînen schepfære . mînen vater .  
 2v,5 mîne muoter mînen ebenkrist nie sô geminnete sô ich  
 2v,6 solte . mînem bischolve . mînem pfarrære . unde andern mînen  
 2v,7 lêrærn nie sô gehôrsam noch sô undertân wart sô  
 2v,8 ich solte allez daz ich gote ie gehiez . des bin ich lügenær  
 2v,9 worden . allez daz dâr guotes was daz hazzete ich . [allezz] [dazz] [dâr]  
 [übeles] [was] daz minnete  
 2v,10 ich . daz riuwet mich . ich [bejihe] dem almehtigem gote daz  
 2v,11 ich mich versündet hân . mit houbethaften sünden . mit  
 2v,12 huore mit überhuore . mit sippem huore . mit unzîtigem  
 2v,13 huore . mit huores gevrümede . mit aller slahte huore . ich  
 2v,14 hân mich bewollen mit unkiuschen worten . mit huorlîchen  
 2v,15 gebærden . mit aller slahte bôsheit . dâ ie dechein  
 2v,16 süntære sich mit bewal . dâ hân ich mich mit bewollen .  
 2v,17 daz riuwet mich . ich bejihe dem almehtigem gote .  
 2v,18 daz ich mich versündet hân . mit nîde . mit hazze . mit  
 2v,19 vîntscheft . mit urbunne mit besprâche . mit lüge . mit  
 2v,20 lügen urkunde . mit meineiden . mit hinderkôsunge .  
 2v,21 mit diube . mit roube . mit übeln râten . mit zorne mit  
 2v,22 lancræche . mit überâze . mit übertrunkenheit . mit  
 2v,23 übermuot . mit spotte . mit üppiger guotelîche . mit den  
 2v,24 ougen . mit den oeren . mit dem munde . mit handen  
 2v,25 unde mit vuozen . mit allen mînen lidern . mit allen  
 2v,26 den sünden die [ie] mennische tet . mit übelem willen .  
 2v,27 mit übelen gedanken . mit übelen werken . daz riuwet  
 2v,28 mich . der sünden unde aller der sünden . die ich

3r,1 [ie] gevrümet hân von kindes beine . unz an dise wîle . der  
 3r,2 gibe ich mich schuldic in dîne genâde . hêrre got verlihe  
 3r,3 mir daz ich gebüeze al nâch dînen [genâden] unde nâch mînen  
 3r,4 durften . der armen sêle . alsô dû hêrre wizzest . daz ich  
 3r,5 sîn dürftic sî . ze disem lîbe . unde ze deme êwigem lîbe .  
 3r,6 unde mane dich hêrre dîner vûnv wunden . daz dû mir  
 3r,7 helfente sîst . daz ich an dem rehte werde vunden . unde  
 3r,8 bite dîne trûtmuoter mîne vrouwen sancte Marien  
 3r,9 unde alle dîne heiligen . daz si mir sîn wegente unde helfente  
 3r,10 durhnehtiger bekêrde . wârer riuwe antlâzes aller  
 3r,11 mîner sünden . unde daz si mîne sêle wîsen . in die genâde  
 3r,12 unde in die vröuwede die si selbe besezzten habent . mit allem  
 3r,13 himelischem herje . âmen . vel aliter . durch die genâde  
 3r,14 des heiligen geistes . unde durch die [dige] mîner vrouwen . sancte .  
 3r,15 Marien . unde aller dîner heiligen . genâde mir almehtiger  
 3r,16 got . unde verlâze mîne schulde . unde erloese mich  
 3r,17 von allem übel . unde leite mich in den êwigen lîp âmen .  
 3r,18 post confessionem nâch sôgetâner  
 3r,19 bîhte . unde nâch dem geheize . den ir unserm hêrren

- 3r,20 gote geheizen habet . iuwer sünde hinevüre ze büezen .  
 3r,21 wellen wir antlâz sprechen von den genâden unsers  
 3r,22 hêrren . unde von dem gewelte den got . – . Petrô verlêhe .  
 3r,23 dô er zuo im sprach . quodcumque ligaveris super terram . etc .  
 3r,24 er sprach “swaz dû gebindest Peter ûf der erde . daz  
 3r,25 wirdet gebunden dâ ze himele . unde swaz dû zerloesest  
 3r,26 ûf der erde . daz wirdet ouch zerloeset in deme himele .” den  
 3r,27 gewalt den er sancto . Petrô gap . den verlêhe er ouch andern  
 3r,28 sînen holden . unde allen êwarten von dem gewalte .
- 3v,1 den wir von . sancte . Petrô haben . sprechen wir dei heiligen wort .  
 3v,2 got sî durch sîne güete . der dei wort ervülle mit den werken  
 3v,3 consolatio indulgentiae . indulgentiam  
 3v,4 et remissionem omnium peccatorum vestrorum et spatium verae et  
 3v,5 fructuosae poenitentiae et emendationem vitae et cor poenitens  
 3v,6 et perseverantiam in bonis operibus . per gratiam sancti spiritus tribuere  
 3v,7 dignetur vos pius et misericors dominus amen  
 3v,8 antlâz aller iuwer sünden vristmâl iuwers lebenes . bezzerunge  
 3v,9 iuwer werke . riuwigez herze . stæticheit guotes  
 3v,10 lebenes . ruoche iu ze verlîhen mit den genâden des heiligen  
 3v,11 geistes . unser hêrre der almechtige got . an disem lebene  
 3v,12 âmen . admonitio post . indulgentiam .  
 3v,13 vile guoten liute . sôgetâniu bîhte hilfet einegenôte die  
 3v,14 ir bîhte tougenlîche habent getân . unde die ouch tougenlîche  
 3v,15 sündent die aber offenlîche habent gesündet . die schulen  
 3v,16 ouch offenlîche büezen . houbethafte sünde heizent die . die  
 3v,17 kerrîne unde jârvasten . nâch vüerente . [sint]  
 3v,18 alsô sint . manslahte . überhuor . sippehuor . sweliche die sint . die  
 3v,19 houbethafte sünde habent getân . unde noch der kristenheit  
 3v,20 niht ze wizzene sint getân . den râten wir . alsô  
 3v,21 vater kinde râten sol . daz si zuo ire pfarrære komen .  
 3v,22 unde im ir nôt klagen . swie getâne buoze si dâ von  
 3v,23 ir êwarte entwâhent . leistent si daz er in gebiutet .  
 3v,24 unde geavernt si iz denne niht mêr . si sint in vore gote  
 3v,25 vergeben oratio pro ecclesia .  
 3v,26 nû schulet ir hiute lâzen geniezen die heiligen kristenheit .  
 3v,27 daz iuch mîn trehtîn hiute hier gesamenet  
 3v,28 hât . in sînem dieneste . unde schulet unsern hêrrn –[...]